



# Leswi mangwa yi kumiseke xiswona mavala ya yona



Khale ka khalen,  
timangwa hinkwato  
a ti ri to basa.





Tatana na Manana

Mangwa a va rhambiwile  
exinkhubyaneni.


A va lava ku languteka va  
sasekile kutani va tipendile  
hi mihlovo leyi vonakalaka.





Va tilangutile va tlhela va  
langutana kutani Manana  
Mangwa a ku, "A hi sasekangi!"  
Tatana Mangwa a pfumelelana  
na yena.

Manana Mangwa a teka xiboho  
xo penda xifuva xa yena hi  
muhlovo wa ntima na Tatana  
Mangwa a penda milenge ya  
yena ya le ndzhaku hi muhlovo  
wa ntima.





Kambe a va tsakelangi leswi a  
va langutekisa xiswona, hiloko  
va hlamba va susa pende.

Kutani va tekile xiboho xo penda  
mavala ya ntima emimirini ya  
vona hinkwayo.

Loko va hetile ku penda mavala,  
va langutanile kutani va tsakisiwa  
hi leswi a va swi vona. "Sweswi hi  
sasekile," va hlamusela.

Va sukile va kongoma  
exinkhubyaneni, va titwa kahle  
hi leswi a va ri xiswona.




Loko Tatana na Manana Mangwa  
va fika exinkhubyaneni, swiharhi  
swin'wana a swi hlamarisiwile hi  
leswi a va langutekisa xiswona.

"Mi sasekile," ku vula  
N'wandlopfu.

"Mo be!" ku vula N'wampfuvu.

"Mi xongile," ku vula  
N'wamhelembe.

"Inkomu swinene," ku vula Tatana  
na Manana Mangwa. "Na hina hi  
rhandza mavala ya hina!"




Un'wana na un'wana  
exinkhubyaneni u tsakerile  
mavala ya vona.

Manana Nhutlwa u byerile  
Manana Mangwa leswaku  
mavala ya vona a ya va  
fanela.

Hosi N'wanghala na yena  
u va byerile leswaku va  
sasekile swinene.






Hosi N'wanghala u pimanyetile  
leswaku timangwa hinkwato  
ti tipenda hi mavala ya ntima.  
Hikwalaho ka leswi N'wanghala  
a ri hosi, timangwa ti n'wi  
yingiserile.






Endzhaku ka masikunyana.  
timangwa hinkwato ti yile  
enambyeni ku ya hlamba ti  
sus a mavala kambe mavala  
a ya sukangi.

Xana ku humelele yini? Dyambu  
ri hisile mavala ya nghena  
emimirini ya tona.



Ku fika ni namuntlha, timangwa  
hinkwato ta ha tsandzeka ku  
susa mavala ya tona.

Lexi hi xona xivangelo xa leswaku  
timangwa hinkwato ti kumeka ti  
ri na mavala ya ntima.



# Swimangwana swa kaye



A hi  
yimbeleleni!


Xin'we, swimbirhi,  
swimangwana swinharhu,  
Mune, ntlhanu  
swimangwana swa tsevu,  
Nkombo, nhungu,  
swimangwana swa kaye,  
Swi tlulatlula erivaleni.

Kaye, nhungu,  
swimangwana swa nkombo,  
Tsevu, ntlhanu  
swimangwana swa mune,  
Nharhu, mbirhi,  
ximangwana xin'we,  
Xi tlulatlula xi vuya.



Xitiviso xa mudyondzisi:

Ri yimbeleriwa hi  
chuni ya Ten Little  
Indians.



- Mangwa yin'wana na yin'wana yi na patironi yo hambana ya mavala ya ntima na yo basa.
- Timangwa ti na micila yo leha (50 cm).
- Timangwa ta yima loko ti ri karhi ti etlele.
- Timangwa ti dya byanyi.



Mimfungho yo tsemakanyisa ya Zebra (ku tsemakanya vafamba-hi-milenge) ya thyiwile hikwalaho ka mavala ya ntima na yo basa ya timangwa.



Timangwa ti yelana na tihanci na tidonki.

# Migingiriko ya ku hlaya hi mitlawa



I

Hlayela munghana wa wena swivutiso.  
Sweswi tlhela u hlaya swivulwa hi  
ndzandzelelano lowu faneleke.

- a. Timangwa hinkwato ti pendile mavala emimirini ya tona.
- b. Hosi N'wanghala na yena u vurile leswaku va sasekile.
- c. Tatana na Manana Mangwa va rhangile hi ku tipenda hi mihlovo yo hambana kutani va tipenda hi mavala ya ntima.
- d. Dyambu ri hisile mavala ya nghenelela emimirini ya tona kutani ti tsandzeka ku hlamba ti susa mavala.
- e. Tatana na Manana Mangwa a va lava ku saseka eka xinkhubyana lexi a va rhambiwile eka xona.
- f. Swiharhi hinkwaswo swi tsakerile mavala ya vona.
- g. Lexi i xivangelo xa leswaku timangwa ti kumeka ti ri na mavala ya ntima.



2

Encenyetani xitori.



3

Hlaya swivutiso u tlhela u byela munghana wa wena tinhlamulo.

- a. I yini vito ra xitori lexi?
- b. I vamani swimunhuhatwankulu swa xitori?
- c. Swi endlile yini ku kota ku ticinca?
- d. Swiharhi swin'wana swi ehleketile yini mayelana na ku ticinca ka swona?
- e. Xana u xi tsakerile xitori lexi?

Seketela nhlamulo ya wena.





4

Kopunula u tlhela u hetisa tafula ebukwini ya wena ya switoloveto.

- a. Lava marito exitorini lama nga na mipfumawulo leyi landzelaka.

-ile	-isa	-ini
hl	ngw	ng

- b. Lava rito leri nga mavizweni wa saseka na xivulwahava lexi vulaka ku saseka kutani u swi tsala.
- c. Lava swivulwa exitorini leswi nga na hefemulo, hiko na xihlamari!
- Swi tsale ebukwini ya wena ya switoloveto.



5

Tsala xitori nakambe hi marito ya wena. Tsala ndzimana yin'we ya 5 wa swivulwa.